



Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

13 Janvier 2017

(13 Rabi'ul Aakhir 1438 AH)

*Après ki li fine salué tous so bane disciples (et tous bane musulmans) dans le monde entier avec la salutation de paix dans l'Islam, Hazrat Muhyi-ud-Din Al-Khalifatullah (atba) fine lire Tashahhud, Ta'uz, et Surah Al Fatiha, et li fine ensuite axé so Khutba Jummah lor « **Le Haut Niveau de la Prière** »:*

وَقُلْ رَبِّ ادْخِلْنِيْ مُدْخَلَ صِدْقٍ وَّاَخْرِجْنِيْ مُخْرَجَ صِدْقٍ وَّاَجْعَلْ لِّيْ مِنْ لَّدُنْكَ سُلْطٰنًا نَّصِيْرًا

Wa qur: 'Rabbi adkhilnee mudkhala sidqiww wa akhrijnee mukhraja sidqiww waj'al lee milladunka sultaanan naseeraa.'

« Et dire : 'Ô mo Maître, faire moi entre par la porte de la vérité, et faire moi sorti par la porte de la vérité, et donne moi ene l'autorité ki vine de toi-même, pou aide moi.' » (Al-Isra: 17: 81).

Sa *duah* là ti révéle au Saint Prophète Hazrat Muhammad (saws) avant so émigration (*Hijra*) de Makkah à Madina. Dans sa *duah* là ena ene prophécie à propos de so retour éventuel (à Makkah) ainsi ki so émigration (à Madina). Sa *duah* là aussi so signification ki li contenir li bien grand, bien vaste. Le Saint Prophète Muhammad (saws) ti persécuté pendant treize ans à Makkah et c'est pour sa raison là ki li fine émigré à Madina. Li ti ena pou alle avec la vérité et révini avec la vérité.

La question se pose, à savoir, kifaire so retour fine mentionné avant so départ. Allah dans So sagesse, pas ti oulé ki le Saint Prophète (saws) souffert ene sel moment sa pensée ki li ena pou quitte Makkah en permanence. So retour fine mentionné d'abord pour rende sa l'instruction pou émigré là pli définitif encore et pour assure li ki li pou révini et ki alor li pas ena aucaine raison pou lamenter ou inquiéter. Sa *duah* là révèle également dans ki bane circonstances ki le Saint Prophète (saws) ti bizin quitte Makkah. So bane adversaires ti qualifié li de menteur, de fabricant (ki li fine invente tous saki li fine dire) et zot fine aussi qualifié li de fausse prophète. L'accueil ki li fine recevoir dans Madina témoigne de so véracité.

En référence à Madina, sa verset là implique ki bane dimounes pou témoigne de so véracité, ainsi ki bane dimounes de Makkah à so retour. Tout sa pou arriver en résultat de so bane *duahs* et de l'aide exclusif d'Allah. Sa *duah* là capave également offert à l'égard de tous bane voyages ki faire. Bane *duahs* ki trouve dans Quran Shareef ena bane bien grands significations et capave interprète zot et lire zot dans plusieurs bane circonstances et pou plusieurs bane zaffaires. Quel que soit la prière ki le Quran enseigne nous, ene événement ou ene situation particulier capave également appliquer à bane situations plus ou moins semblable ki produire dans nous la vie de tous les jours. Sa ti la pratique du Saint Prophète et de so bane compagnons.

Ene autre l'aspé de sa *duah* là concerne bane conditions changeant ki continuelle dans la vie d'ene dimoune. Sa bane changements là capave passe de mauvais à saki bon ou vice versa. Également dans bane versets précédents, Allah fine révèle ene direction en guise de *duah* ki fine permette au Saint Prophète Muhammad (saws) pou élève li à ene grand hauteur spirituelle:

« Faire Salat (la prière) kan soleil baisser et kan la nuit vine noir, et aussi lire Quran le matin, parski lecture Quran le matin ena bane témoins. Lever dans la nuit pou faire la prière additionnelle. C'est possible ki to Maître lève toi dans ene position de gloire. » (Al-Isra 17: 79-80).

Sak dimoune ki oulé envole bien haute de côté la spiritualité bizin offert la prière régulièrement et comprend so signification correctement sinon li pou capave alle égarer pareil couma ti le cas avec Balam garçon Baura (*Balam bin Baura*) ki ti ene dimoune juste et ki ti dévié loin de la piété par bane attractions mondaines et fine par la suite subir ene disgrâce.

« Raconte zot, zistoire sa dimoune à ki Nous ti envoie Nous versets, mais ki ti tourne lédos avec sa. Satan ti suive li, et alor li ti pran le mauvais chemin. Si Nous ti oulé, Nous ti capave élève li haute par Nous bane versets (ou Signes/ Révélation), mais li fine accroche li à la terre, et li fine suive so bane propre désirs. Li pareil couma ene li chien. Si to attaque li, li tire so la langue. Si to quitte li tranquille, li tire so la langue pareil. Sa ene exemple dimoune ki rejette Nous signes. Raconte zot sa zistoire là afin ki zot capave réfléchi. » (Al-Araf 7: 176-177).

Souvent, ene dimoune désire atteindre ene rang spirituel basé lor bane motifs égoïstes pour la reconnaissance dans lizié de sa lé monde là. Bane telles dimounes capave même gagne bane expériences semblables à bane expériences spirituelles ki zot penser ki zot fine recevoir sa de côté d'Allah, alor ki tout sa vine de Shaytane.

Mo exhorte tous mo bane disciples, bane chercheurs de vérité, bane musulmans et toute l'humanité pou avancer constamment le long du chemin droit et pou cherche l'aide d'Allah. La prière ki parfait et complète c'est celui ki ena bane significations profonds ki ena tré à diverses conditions et situations. Li couvert bane voyages spirituels et physiques.

Faudé zamais nous perdi l'espoir sous poids de bane épreuves et afflictions. Si nous soumette nous à Allah avec patience, Li pou enlève nous détresse et pou remplace sa par So récompense, kot Li (Allah) pou bien content (et satisfait) avec nous.

Ki Allah compte zot parmi bane ki aide Li et obtenir So plaisir. Que ce soit dans bane bons ou bane mauvais moments, soumette zot volonté toujours à la volonté d'Allah. Zamais zot pou perdant. Tout saki zot pé paraite pé 'perdi' dans sa le monde là pour le plaisir d'Allah, la récompense éternelle ki Allah fine cachiette de zot pour le moment, pou d'ene dimension et d'ene goût extraordinaire. *Insha-Allah, Ameen.*